

## Headlines

- 1 प्रधानमंत्री नरेंद्र मोदी होंरें कांग्रेस दे मेदवार अजय राय होंरें गी डेढ लक्ख कोला मते वोटें कन्नै हराइए जित्त हासिल कीती ऐ।
- 2 बीजेपी दी अगुवाई आहला एन.डी.ए. गठबंधन लोकसभा च बहुमत हासल करने बक्खी अगडे बधै करदा ऐ, आई.एन.डी.आई दा उत्तर प्रदेश च शानदार प्रदर्शन।
- 3 जम्मू प्रांतै दिएं द'ऊं सीटें पर केंद्री मंत्री डॉ. जितेंद्र सिंह कांग्रेस दे चौधरी लाल सिंह हुंदे कोला ते जुगल किशोर, रमण भल्ला हुंदे कोला अगगे।
- 4 राजौरी अनंतनाग सीट पर नेशनल कांफ्रेंस दे मियां अल्लाफ महबूबा मुफ्ती हुंदे कोला अगगे ते आजाद मेदवार इंजीनियर रशीद बारामूला सीट पर उमर अब्दुल्ला होंरें गी हरा'रदे ना।

<><><><><><>

## PM Modi Wins

प्रधानमंत्री नरेन्द्र मोदी होंरें उत्तर प्रदेश दी वाराणसी लोकसभा सीट थमां जित्त हासल करी लैती ऐ। उत्तर प्रदेश दिएं कुल 80 लोकसभा सीटें च वाराणसी दी सीट बी शामिल ऐ। प्रधानमंत्री मोदी होंर 2014 ते 2019 च लगातार दऊं बारी इस सीट परा जित्त हासल करी चुके दे न ते इस बारी उनें उत्तर प्रदेश कांग्रेस दे प्रभारी अजय राय होंरें'गी शिकस्त दित्ती ऐ। मोदी होंरें अजय राय होंरें'गी 1 लक्ख 52 ज्हार 513 वोटें कन्नै हराइयै लगातार त्रीऽ बारी एहू लोकसभा सीट अपने नांऽ कीती ऐ।

<><><><><><>

## J&K counting coverage

जम्मू-कश्मीर दिएं कुल 5 संसदी सीटें दे अजें तगर जेहडे रूझान सामने आवै करदे न, उंदे मताबक एनसी नै इक सीट जित्ती लैती ऐ जदके 1 सीट पर नेशनल कांफ्रेंस ते इक सीट पर आजाद मेदवार इंजीनियर रशीद अगगे चलै करदे ना। जम्मू-कश्मीर दे मुख् चुनांऽ अधिकारी हुंदे आसेआ जारी कीते गेदे आंकडें मुजब जम्मू ते उधमपुर लोकसभा सीट पर बीजेपी अगगे चलै करदी ऐ। आंकडे इब्बी दस्सा करदे न जे, बारामूला हलके थमां आजाद मेदवार इंजीनियर रशीद ने नेशनल कांफ्रेंस दे उप-अध्यक्ष ते साबका मुख्मंत्री ओमर अब्दुल्ला होंरें'गी पछाड़ लांदे होई बढत बनाई दी ऐ जदके पीपुल्स कांफ्रेंस दे प्रधान सज्जाद लोन त्रीये नम्बरै पर ना। उत्थे गै नेया बी बझोआ करदा ऐ जे ओमर अब्दुल्ला होंरें'गी इस सीट पर झटका लगगी सकदा ऐ। सोशल मीडिया साईट एक्स पर ओमर अब्दुल्ला होंरें इंजीनियर रशीद गी मुबारकबाद दिंदे होई इक चाल्ली कन्नै हुन जि'आं मन्नो अपनी हार कबूल करी लैती ऐ। उत्थे गै गल्ल जेगर अनंतनाग संसदी हलके दी करचै तां नेशनल कांफ्रेंस दे मियां अल्लाफ, पीडीपी दिएं अध्यक्ष महबूबा मुफ्ती होंरें'गी पछाड़ लाइयै फिलहाल सब्बनें शा अगगे चलै करदे ना। उत्थे गै महबूबा मुफ्ती होंरें बी सोशल मीडिया दी इक पोस्ट दे राहें मियां अल्लाफ होंरें'गी शुभकामनां देई दित्तिआं ना। मीडिया कन्नै गल्ल करदे होई मियां अल्लाफ होंरें आखेआ।

इससै चाल्ली श्रीनगर सीट थमां नेशनल कांफ्रेंस दे आगा रूहुल्ला होंरें पीडीपी दे मेदवार वहीद परा होंरें'गी पछाड़ लाइयै एहू सीट जित्ती लैती ऐ। जम्मू संसदी सीट पर बीजेपी दे मेदवार ते मजूदा सांसद जुगल किशोर शर्मा होंरें, कांग्रेस दे मेदवार रमण भल्ला होंरें'गी पछाड़ लाइयै बढत बनाई दी ऐ जदके उधमपुर लोकसभा सीट पर बीजेपी दे मेदवार डाक्टर जतिन्द्र सिंह होंरें कांग्रेस पार्टी दे चौधरी लाल सिंह हुंदे खलाफ बड्डी बढत हासल करी लैती दी ऐ। कठुआ थमां स्हाड़े संवाददाता प्रदीप शर्मा फिलहाल फोन लाईन पर स्हाड़े कन्नै जुडी चुके दे ना। आओ उंदे शा जानने आं कठुआ सीट परा केहडे ताजा समीकरण सामने आवै करदे ना।

हैलो प्रदीप

हुन संझां दे साङ्गे 6 बज्जने आहले न ते वोटें दी गिनतरी दा कम्म बडुलै 8 बजे दा गै चलै करदा ऐ तां स्हाङ्गे सुनने आहलें गी दस्सो जे कठुआ संसदी सीट लेई केहू-किश स्थिति हुनै सामने आवै करदी ऐ?

प्रदीप इत्थे मुख् मुकाबला कांग्रेस दे चौधरी लाल सिंह ते बीजेपी दे डाक्टर जीतेन्द्र सिंह हुंदे बश्कार हा ते साफ तौर कन्नै तुसैं बी जि'आं दस्सेआ जे डाक्टर जीतेन्द्र सिंह बडु अंतर कन्नै अगगे बी चलै करदे न। तां होर किन्ना समां अजें काउंटिंग च लगगना बाकी ऐ ते कुसलै तगर स्थिति भ्लेआं साफ होई जाग?

<><><><><><>

### **BJP-NDA Results**

भारतीय जनता पार्टी दी अगुवाई आला एनडीए गठबंधन लोकसभा चुनाव च जित्त हासिल करने आली भेठा बदरदा ऐ, पर 2019 दे मुकाबले सीटें दी गिनतरी बडी हेठ आई गई ऐ। आई.एन.डी.आई. गठबंधन नै खरा प्रदर्शन कीता ऐ। लोकसभा चुनाव 7 चरणें च होए हे। बीजेपी नै ओडिशा ते आंध्र प्रदेश च बेहतर प्रदर्शन कीता ऐ पर उत्तर प्रदेश, राजस्थान ते हरियाणा च पार्टी गी पछाड़ लगगी ऐ। बीजेपी दे केई सारे बडु नेता स्मृति ईरानी, मेनका गांधी ते अजय कुमार पिच्छे चला'रदे न। बीजेपी नै अजें तगर 67 सीटां जित्तियां ते 173 पर अगगे चला रदी ऐ। कांग्रेस नै अजें 32 सीटां जित्तियां ते 66 पर अगगे चला रदी ऐ। समाजवादी पार्टी नै 1 सीट जित्ती ते 36 पर अगगे ऐ। आल इंडिया तृणमुल कांग्रेस 21 पर अगगे चला रदी ऐ। डीएमके 22 पर अगगे ऐ। टी.डी.पी. नै 1 सीट जित्ती ते 15 पर अगगे चला रदी ऐ। जे.डी.यू ने 2 सीटां जित्तियां 12 पर अगगे ऐ। शिव सेना उद्धव बाला साहेब ठाकरे ने 1 जित्ती ते 9 पर अगगे ऐ। एन.सी.पी नै 1 सीट जित्ती। शिव सेना 6 सीटें पर अगगे चला'रदी ऐ।

<><><><><><>

### **Jammu Counting Centre (byte)**

जम्मू कश्मीर च 4-उधमपुर-कठुआ ते 5-जम्मू-रियासी लोकसभा हल्कें लेई पूरे मुल्ले दे कन्नो-कन्नो वोटें दी गिनतरी शुरू होई गेदी ऐ। जम्मू ते कठुआ जिलें च मतगणना केन्द्रें दे आले दुआले त्रऊं सतहें आली सुरक्षा बवस्था सरगर्म ऐ। इनें दौनें पार्लिमानी हल्कें दे 23 लख 94 जहार मतदाता वोट पाए हे। 34एं मेदवारें दे भागें दा फैसला करगंन। जम्मू संसदीय सीट लेई मुख् मुकाबला बीजेपी दे जुगल किशोर शर्मा ते कांग्रेस दे रमन भल्ला हुंदे बश्कार गै दिक्खेआ जा करदा ऐ। ताजा जानकारी मुजब जम्मू संसदीय सीट पर एल्ले बीजेपी के जुगल किशोर शर्मा, कांग्रेस दे रमन भल्ला हुंदे थमां इक्क लख 31 जहार 540 वोटें दे फर्क कन्नै अगगे चलै करदे न। फिलहाल जम्मू आहले मतगणना केंद्र थमां स्हाङ्गे संवाददाता अजय दीप सिंह स्हाङ्गे कन्नै फोन लाइन पर जुडी गेदे न। हैलो अजय दीप सिंह। क्या रूझान अजें तगर जम्मू संसदीय सीट लेई निकलिये सामने आवै करदे न ? अजय केहू लगदा ऐ किन्ने बजे तगर स्पष्ट नतीजे सामने आई जाने दी मेद ऐ? अजय जियां तुस दस्सा करदे ओ जे बीजेपी दे जुगल किशोर मता अगगे चलै करदे न ते असेंगी जानकारी मिली ही जे जुगल किशोर होर आपूं बी इस केंद्र पर आए दे हे तां केहू आखना हा उंदा?

<><><><><><>

### **Migrant Votes Counting (byte)**

कश्मीरी विस्थापित मतदाताएं आसेआ 3 संसदी सीटें लेई पाए गेदे वोटें दी गिनतरी दा कम्म अज्ज उधमपुर च सख्त सुरक्षा बंदोबस्तें हेठ तोढ चाढेआ गेआ। बडुलै सवेल बारमूला सीट लेई वोटें दी गिनतरी शुरू होई ही जेह्दे परैन्त श्रीनगर सीट लेई ते फही अनंतनाग सीट लेई वोटें दी गिनतरी कीती गई। मगरा इत्थुं दे नतीजें गी श्रीनगर, बारामूला ते अनंतनाग आहले मतगणना केन्द्रें पर भेजी दित्ता गेआ। बारामूला लेई सीट लेई कुल 104 वोट, श्रीनगर लेई 160 वोट ते अनंतनाग सीट लेई 328 वोट पाए गे हे। आकाशवाणी खबरें कन्नै इस बारै गल्ल करदे होई उधमपुर दे ए.आर.ओ. होरें ग

<><><><><><>

## ECI Congress

लोकसभा चुनावें दे वोटें दी गिनतरी दे दरम्यान, कांग्रेस पार्टी दा इक डेलीगेशन नमीं दिल्ली च भारती चुनावें आयोग कन्नै मिलेआ। इस डेलीगेशन च कांग्रेस दे वरिष्ठ नेता अभिषेक मनु सिंघवी ते खुर्शीद अनवर शामिल हे। बैठक परैन्त मीडिया गी इस बारे जानकारी दिंदे होई सिंघवी होरें गलाया जे पार्टी कार्जकर्ताएं दे राहें उनेंगी एह पता लगगा हा जे दपैह्री ढाई बजे दे बाद वोटें दी गिनतरी दे आंकड़े बेल्ले सिर चुनावें आयोग दी वैबसाइट पर अपलोड नेई कीते जा करदे न। उनें इब्बी मसला पुट्टेआ जे संसदी हलकें दी बिनाहू पर वोटें दी गिनतरी दे आंकड़ें गी अपडेट नेई कीता जा करदा। सिंघवी होरें दस्सेआ जे भारती चुनावें आयोग नै साफ कीता ऐ जे जिआं-जिआं मुख्य भरै दे मतगणना केन्द्रें थमां आंकड़े हासल होआ करदे न, उआं-उआं गै उनेंगी आयोग दी वैबसाइट पर अपलोड कीता जा करदा ऐ। आयोग नै उनेंगी आश्वासन दित्ता जे बिजन कुसै चिर दे आंकड़ें गी अपलोड कीता जाहगा।

<><><><><><>

## Akashvani Cricket

आकाशवाणी आसेआ अमरीका ते वेस्ट इंडीज़ च जारी आईसीसी टी-20 क्रिकेट विश्व कप दी कमेंटरी दा लाईव प्रसारण कीता जाग। इस प्रसारण च भारती टीम दे सब्बनें मैचें सने, नाँकआउट राउंड दे मुकाबले, सेमीफाईनल मुकाबले ते फाईनल मुकाबले दा लाईव प्रसारण बी शामिल ऐ। लाईव कमेंटरी दे अलावा, आकाशवाणी आसेआ मैच शुरु होने कोला पैहले, मैच दरान दौं पारिएं दे बश्कार दे वकफे ते मैच दे अखीरै च बी गल्लबात आहले खास कार्यक्रमें दा प्रसारण बी कीता जाहगा। एहदे अलावा डीडी स्पोर्ट्स आसेआ भारत दे सब्बनें मैचें सने, सेमीफाईनल मुकाबलें ते फाईनल मैच दा बी लाईव प्रसारण कीता जाहगा।

<><><><><><>

## Weather Forecast

मौसम विभाग नै अगले किश दिनें दौरान जम्मू-कश्मीर दी किश थाहें पर हल्की बरखा पौने दी पेशनगोई कीती ऐ। प्रदेश च रातीं दे तापमान च बी बाह्वा दर्ज कीता गेआ ऐ। मौसम विभाग दे अधिकारी मुजब 7 जून तगर मौसम अद्वे-दुबे तौर पर बदलोखड़ा रौहग ते किश थाहरें पर हल्की बरखा होई सकदी ऐ ते अंधी झक्खड़ झुल्लने दी बी संभावना ऐ। मौसम विभाग नै करसानें गी सलाह दित्ती ऐ जे ओहू 5 ते 6 जून तोड़ी खेती-बाड़ी आले कम्में थवां बचन।

<><><><><><>